

**საქართველოს შინაგან საქმეთა სამინისტროს პროგრამების
2021 წლის I კვარტლის ანგარიში**

საქართველოს შინაგან საქმეთა სამინისტრო - 30 00

(საბიუჯეტო ორგანიზაციის დასახელება, პროგრამული კოდი)

სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება

1.1 პროგრამის დასახელება და პროგრამული კოდი: საზოგადოებრივი წესრიგი და საერთაშორისო თანამშრომლობის განვითარება/გაღრმავება - (30 01)

პროგრამის განმახორციელებელი: საქართველოს შინაგან საქმეთა სამინისტროს ორგანოები

ათას ლარებში

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 01	<u>საზოგადოებრივი წესრიგი და საერთაშორისო თანამშრომლობის განვითარება/გაღრმავება</u>	584 899.0	579 027.6	133 464.1	23%	

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

- შინაგან საქმეთა სამინისტროს მიგრაციის დეპარტამენტის პირველ სართულზე მოეწყო ექიმების სამანიპულაციო ოთახი და ადმინისტრაციული შენობის ეზოში ორი სასეირნო ბილიკი მსუბუქი გადახურვით;
- განხორციელდა მიგრაციის დეპარტამენტის დროებითი განთავსების ცენტრის და მიმღები ცენტრის სხვადასხვა დასახელების მედიკამენტებით უზრუნველყოფა;
- თავშესაფრის მაძიებელთა მიმღებ ცენტრში (გარდაზნის რ-ნი სოფ. მარტყოფი) ქსელის განახლება, დამონტაჟდა 3 სერვერი და 27 ცალი ვიდეო-სამეთვალყურეო კამერა და მოეწყო ახალი საკარანტინო სივრცე;
- საანგარიშო პერიოდში ქ. თბილისში სამსახურებრივ მოვალეობას ასრულებდა 260 მართლწესრიგის ოფიცერი (მათ შორის 65 მართლწესრიგის უფროსი ოფიცერი), მართლწესრიგის ოფიცრის 80 ვაკანტურ თანამდებობაზე, გასაუბრების ეტაპი წარმატებით გაიარა 79-მა კანდიდატმა.

დანაშაულის წინააღმდეგ ბრძოლის სფეროში საერთაშორისო თანამშრომლობის გაღრმავების კუთხით საანგარიშო პერიოდში განხორციელდა შემდეგი აქტივობები:

- გაიმართა ვიდეო კონფერენცია შინაგან საქმეთა მინისტრსა და ევროპის სასაზღვრო და სანაპირო დაცვის სააგენტოს (Frontex) აღმასრულებელ დირექტორს შორის. ვიდეო კონფერენციაში ასევე მონაწილეობდნენ ევროკომისიის მიგრაციისა და საშინაო საკითხების გენერალური დირექტორატის (DG HOME) ხელმძღვანელი, ევროკომისიის სამეზობლო პოლიტიკისა და გაფართოებაზე მოლაპარაკებების გენერალური დირექტორატის (DG NEAR) ხელმძღვანელის მოვალეობის შემსრულებელი და საქართველოში ევროკავშირის ელჩი;

- შედგა გაცნობითი ხასიათის შეხვედრები შინაგან საქმეთა მინისტრსა და ირანის ისლამური რესპუბლიკისა და იაპონიის ელჩებს, ასევე თურქეთისა და ბელარუსის რესპუბლიკების ელჩებს შორის;

- სამომავლო თანამშრომლობის საკითხების განხილვის მიზნით მოეწყო საქართველოსა და უზბეკეთის რესპუბლიკის შინაგან საქმეთა სამინისტროების საერთაშორისო თანამშრომლობაზე პასუხისმგებელი დანაყოფების შეხვედრა ვიდეო კონფერენციის მეშვეობით;

- შედგა გაცნობითი ხასიათის შეხვედრა შინაგან საქმეთა მინისტრსა და ავსტრიის რესპუბლიკის ელჩს შორის;

- გაიმართა ვიდეო კონფერენცია არაბთა გაერთიანებული საემიროებისა და შინაგან საქმეთა სამინისტროს სხვადასხვა დანაყოფის წარმომადგენლებს შორის, სადაც განხილულ იქნა ბავშვთა დაცვა, დრონების გამოყენება და სახის ამომცნობი სისტემები, საგზაო მოძრაობის ტექნოლოგიური გადაწყვეტები, მოწყობილობები და რადარები;

- შედგა შინაგან საქმეთა მინისტრის შეხვედრა აზერბაიჯანის რესპუბლიკის ელჩთან;

- ორგანიზებული დანაშაულის საკითხებზე საფრანგეთის ჟანდარმერიისთვის და ეროვნული პოლიციისთვის დახმარების გაწევის მიზნით მივლენილ იქნა შინაგან საქმეთა სამინისტროს 2 თანამშრომელი საფრანგეთის რესპუბლიკაში 6 თვის ვადით;

- სამინისტრო აქტიურად იყო ჩართული „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოს მთავრობის 2020 წლის 23 მარტის №181 დადგენილებით ასევე სხვა სამართლებრივი აქტებით დადგენილი შეზღუდვების აღსრულების პროცესი;

- ახალი კორონა ვირუსთან ბრძოლის ღონისძიებების ფარგლებში შინაგან საქმეთა სამინისტროს საექსპერტო - კრიმინალისტიკური დეპარტამენტის მიერ განხორციელდა შესაბამისი სადეზინფექციო ხსნარების დამზადება სამინისტროს სისტემის მოსამსახურეებისთვის, რისთვისაც შეძენილ იქნა ეთანოლის სპირტი, 50% წყალბადის ზეჟანგი, გლიცერინი და გამოხდილი წყალი.

საანგარიშო პერიოდში დაიწყო, მიმდინარეობდა და რიგ შემთხვევებში დასრულდა სხვადასხვა კაპიტალური პროექტები:

- მიმდინარეობდა გურჯაანში, ნონეშვილის გამზირი №6-ში მდებარე შინაგან საქმეთა სამინისტროს სარგებლობაში არსებულ მიწის ნაკვეთზე შინაგან საქმეთა სამინისტროს ადმინისტრაციული შენობის, დროებითი მოთავსების იზოლატორის შენობის, ძაღლების ვოლიერის შენობის, დამხმარე შენობა-ნაგებობის მშენებლობის და ტერიტორიის კეთილმოწყობის სამუშაოები;

- მიმდინარეობდა ქ. თბილისში ქიზიყის ქ. №1-ში მდებარე შენობის №23/2 სარემონტო და შენობაზე საქვაბე ნაგებობის მიშენების სამუშაოები;

- მიმდინარეობდა ახმეტის რაიონის სოფელ ომალოში მდებარე, შინაგან საქმეთა სამინისტროს სარგებლობაში არსებულ მიწის ნაკვეთზე სამინისტროს ადმინისტრაციული შენობის სამშენებლო სამუშაოები;

- მიმდინარეობდა ქ. თბილისში გულუას ქ. №8-ში მდებარე, შინაგან საქმეთა სამინისტროს ადმინისტრაციულ შენობაში სარემონტო და მიმდებარე ტერიტორიის კეთილმოწყობის სამუშაოები;

- საანგარიშო პერიოდში დაიწყო და მიმდინარეობდა სოფელ მარტყოფში მდებარე მიწის ნაკვეთზე შინაგან საქმეთა სამინისტროს მიგრაციის დეპარტამენტის შენობის სარემონტო და სახურავის შეცვლის სამუშაოები;

- მიმდინარეობდა საჩხერეში, ივანე გომართელის ქუჩა №22-ში მდებარე, შინაგან საქმეთა სამინისტროს ადმინისტრაციული შენობების სარემონტო, ღია ფარდულის სამშენებლო და ტერიტორიის კეთილმოწყობის სამუშაოები;

- მიმდინარეობდა ქ. თბილისში, ნოე რამიშვილის ქუჩა №38-ში მდებარე შინაგან საქმეთა სამინისტროს ტერიტორიაზე 300კვ.ტ სიმძლავრის მზის ელემენტების მოსაწყობად, ლითონის კონსტრუქციების მოწყობის სამშენებლო და სატრანსფორმატორო შენობაზე მზის ელემენტების მართვის აპარატურისთვის მიშენების სამუშაოები;
- მიმდინარეობდა ქ. თბილისში, გორგასლის ჩიხი №75-ში მდებარე, შინაგან საქმეთა სამინისტროს ადმინისტრაციული №8 და №11 შენობა-ნაგებობების სარემონტო სამუშაოები;
- საანგარიშო პერიოდში დაიწყო და მიმდინარეობდა ქ. თბილისში, გახოკიძის ქუჩა №16-ში მდებარე შინაგან საქმეთა სამინისტროს მიგრაციის დეპარტამენტის ადმინისტრაციული შენობის პირველ სართულზე სარემონტო-სარეკონსტრუქციო სამუშაოები;
- საანგარიშო პერიოდში დაიწყო და მიმდინარეობდა ქ. თბილისში, გულუას ქუჩა №10-ში მდებარე შინაგან საქმეთა სამინისტროს ადმინისტრაციული შენობის ცენტრალურ შემოსასვლელში ალუმინის ვიტრაჟის ნაწოთობი მინის ავტომატური გამღები მექანიზმის კარით მოწყობის სამუშაოები;
- საანგარიშო პერიოდში დაიწყო და მიმდინარეობდა ქ. თბილისში, გულუა ქ. №10-ში მდებარე შინაგან საქმეთა სამინისტროს ადმინისტრაციული შენობის ცენტრალურ შესასვლელში (ჰოლში) იატაკის მარმარილოს ფოლების სარეაბილიტაციო სამუშაოები;
- საანგარიშო პერიოდში დაიწყო და მიმდინარეობდა ქ. თბილისში, ქიზიყის ქ.№1-ში მდებარე შინაგან საქმეთა სამინისტროს განსაკუთრებულ დავალებათა დეპარტამენტის III სამმართველოს ტერიტორიაზე არსებული ადმინისტრაციული შენობის სარემონტო სამუშაოები;
- დასრულდა გორში, მშვიდობის გამზირზე მდებარე, შინაგან საქმეთა სამინისტროს სარგებლობაში არსებულ მიწის ნაკვეთზე ძაღლებისთვის ვოლიერების სამშენებლო სამუშაოები;
- დასრულდა ქ. თბილისში, გახოკიძის ქუჩა №16-ში მდებარე შინაგან საქმეთა სამინისტროს მიგრაციის დეპარტამენტის ტერიტორიაზე, მიგრანტთა სასეირნოს მოწყობის სამუშაოები;
- დასრულდა ქ. თბილისში, გულუას ქუჩა №6-ში მდებარე შინაგან საქმეთა სამინისტროს საექსპერტო-კრიმინალისტიკური დეპარტამენტის შენობის სარდაფის სართულზე, სასროლეთის (ტირი) მოწყობის სამუშაოები;
- დასრულდა ქ. თბილისში, გულუას ქუჩა №10-ში მდებარე შინაგან საქმეთა სამინისტროს ტერიტორიაზე განთავსებული დაცვის ჯიხურის დემონტაჟი და ახალი დაცვის ჯიხურის მოწოდების სამშენებლო სამუშაოები.